



O'ZBEKISTON RESPUBLIKASI NAVOIY VILOYATI НОКИМЛИГИ

210100, Navoiy sh., Islom Karimov sh.k 77 A, tel: (79)229-62-06, 229-62-80, e-mail: navoi@exat.uz,
info@navoi.uz

9 yanvar 2024 yil.

02-12/112-son

Навоий вилояти ҳокимлигига 2023 йил учун коррупцияга қарши курашиш тизимининг амал қилиши ҳақида УМУМИЙ ҲИСОБОТ

Коррупцияга қарши курашиш бўйича 2023 йилга мўлжалланган давлат дастури асосида вилоят ҳокимлигининг алоҳида чора-тадбирлар дастури ва “Йўл харитаси” тасдиқланган.

Вилоят ҳокимлиги томонидан Ўзбекистон Республикаси Президентининг “Коррупцияга қарши курашиш фаолиятини самарали ташкил этишга доир қўшимча чора-тадбирлар тўғрисида” 2021 йил 6 июлдаги ПҚ-5177-сон қарори ижросини таъминлаш мақсадида 2023 йил 20 февраль куни 15-5-0-Q/23-сон қарори қабул қилиниб, 2023 йил 20 февралдан бошлаб вилоят ҳокимлигига мавжуд штат бирликлари доирасида коррупцияга қарши ички назорат бўлими фаолияти йўлга қўйилди.

2023 йил 08 февраль куни ўтказилган очиқ мустақил танлов якунига кўра, вилоят ҳокимининг 2023 йил 20 февраль куни 15-5-0-Q/23-сон қарори билан Хасанов Фирузжон Гуломович Навоий вилояти ҳокимлигининг коррупцияга қарши ички назорат қилиш шўъбаси мудири лавозимига тайинланган.

Навоий вилоятининг 11 та туман (шаҳар) ҳокимларининг тегишли қарор ва фармойишлари билан туман (шаҳар) ҳокимликларида коррупцияга қарши ички назорат қилиш ишларини таъминлаш бўйича масъуллар белгилаб олинди.

Вилоят, туман (шаҳар) ҳокимликларида коррупцияга қарши ички назорат қилиш тизимининг жорий этилиши ҳокимлик тизимида коррупцияга қарши қураш бўйича халқаро стандарти талаблариiga жавоб берувчи, хусусан, коррупцияга қарши курашиш тизимини жорий этиш ва ривожлантириш, коррупциявий ҳолатларни барвақт аниқлаш ва уларнинг сабаб ва шарт-шароитларини бартараф этиш, коррупциявий хатти-ҳаракатлар содир этилишининг олдини олиш, ҳокимлик тизими ходимларида

коррупцияга нисбатан муросасиз муносабатни шакллантириш мақсадида уларнинг хукукий онги ва маданиятини ошириш, коррупцияга қарши профилактик чоратадбирларни ташкил этиш, коррупцияга қарши курашиш соҳасидаги хужжатлар ижросини таъминлашдан иборат.

Шу мақсадда коррупцияга қарши курашишга қаратилган Давлат дастурлари ва “Йўл харита”ларида белгиланган вазифа ва тадбирларни ўз муддатида ва сифатли бажарилишига асосий эътибор қаратилган.

Вилоят ҳокимининг 30 ноябрь 2022 йилдаги “Вилоят туман, шахар ҳокимликларида коррупцияга қарши курашиш тизими самарадорлигини янада такомиллаштириш чора-тадбирлари тўғрисида”ги 235-5-0-Q/22-сонли қарори билан вилоят, туман ва шаҳар ҳокимликларида қўллаш учун:

1) вилоят, туман ва шаҳар ҳокимликларида коррупцияга қарши курашиш **Сиёсати**

2) вилоят, туман ва шаҳар ҳокимликларида коррупциявий хавф-хатарларни баҳолаш **Услубиёти;**

3) вилоят, туман ва шаҳар ҳокимликларида манфаатлар тўқнашувини бошқариш бўйича **Низом;**

4) вилоят, туман ва шаҳар ҳокимликларида алоқа каналлари орқали коррупциявий хатти-ҳаракатлар тўғрисида келиб тушган хабарларни қабул қилиш ва кўриб чиқиш **Регламенти**

5) вилоят, туман ва шаҳар ҳокимликларида контрагентларни текширишга оид **Йўриқнома;**

6) вилоят, туман ва шаҳар ҳокимликларида коррупцияга қарши курашиш самарадорлигини мониторинг ва назорат қилиш **Услубиёти;**

7) вилоят, туман ва шаҳар ҳокимликларида коррупцияга қарши курашиш тизимининг ҳолати ҳақидаги ҳисботни шакллантириш ва тақдим этиш **Регламенти;**

8) вилоят, туман ва шаҳар ҳокимликларида коррупциявий хатти-ҳаракатлар ва одоб-ахлоқ қоидаларини бузиш ҳолатлари устидан хизмат текширувлари ўтказиш бўйича **Регламент**

9) вилоят, туман ва шаҳар ҳокимликларида давлат харидларини ўтказиш тўғрисидаги **Низом тасдиқланган.**

Юқоридаги 9 та коррупцияга қарши ички идоравий хужжатлар талаблари вилоят, шаҳар ва туман ҳокимлари ходимлари эътиборига етказилди.

Шунингдек, вилоят ҳокимининг:

- 07 сентябрь 2021 йилдаги № 46-5-0-Q/21-сонли “Навоий вилояти ҳокимлиги тузулмасида коррупцияга қарши ички назорат қилиш шўъбасини ташкил этиш тўғрисида”ги Қарори;
- 22 октябрь 2022 йилдаги № 201-5-0-Q/22-сонли “Навоий вилояти ҳокимлиги коррупцияга қарши ички назорат қилиш шўъбаси фаолияти тўғрисидаги низомни тасдиқлаш тўғрисида”ги Қарори

- 25 ноябрь 2023 йилдаги № 165-5-0-F/23-сонли “Навоий вилояти ҳудудида коррупцияга қарши курашиш фаолиятини янада самарали ташкил этиш тўғрисида”ги Фармойиши
- 30 ноябрь 2023 йилдаги № 249-5-0-Q/23-сонли “Ўзбекистон Республикаси Президентининг 2023 йил 27 ноябрдаги “Коррупцияга қарши курашиш тизимини янада тақомиллаштириш ҳамда давлат органлари ва ташкилотлари фаолияти устидан жамоатчилик назорати тизими самарадорлигини ошириш чоратадбирлари тўғрисида” ПФ–200-сон Фармонининг ижроси ҳақида”ги Қарори
- 14 декабрь 2023 йилдаги № 174-5-0-F/23-сонли “Навоий вилояти ҳокимлиги фаолиятида очик эълон қилиниши лозим бўлган ижтимоий аҳамиятга молик маълумотларни ахборот ресурсларида жойлаштириш ва янгилаб бориш тартибини белгилаш тўғрисида”ги Фармойиши чиқарилган.

Вилоят Коррупцияга қарши курашиш рейтинг кўрсаткичларининг айримларида ижобий баҳога эга бўлиб, хар чорақда юритиладиган Ҳудудлар кесимида коррупция тарқалганлик даражаси рейтинги бўйича айрим параметрларда кўрсаткичлар бўйича “яшил” ҳудудлар тоифасига киритилсада Давлат органлари ва ташкилотлари фаолиятининг очиқлик индексида 100 баллдан 62,2 балл билан “сариқ”, Коррупцияга қарши курашиш ҳудудий кенгаш фаолияти рейтинги бўйича 100 баллдан 49,5 балл билан республикада 7 ўринда бормоқда.

Шу билан бирга вилоятда коррупцияга қарши курашиш ишларнинг самарадорлиги рейтингида “қониқарсиз”, давлат органлари ва ташкилотлари фаолиятининг очиқлик индексида сариқ балл билан баҳоланганди.

Бугунги кун ҳолатида 17 та вазирлик ва идораларининг Навоий вилоятидаги ҳудудий бошқармаларидан 5 тасининг (Қишлоқ хўжалиги, Адлия, Маданият, Соғлиқни сақлаш, Автомобил йўллари ва мактабгача ва мактаб таълими бошқармалари) Интернет тармоғида расмий веб-сайтларни ташкил этилган.

Вилоят ҳокимлигига манфаатлар тўқнашуви “Давлат фуқаролик хизмати тўғрисида”ги Конун Республика Вазирлар Маҳкамасининг қарори билан тасдиқланган “Давлат фуқаролик хизматчилари одоб-ахлоқининг намунавий қоидалари” асосида декларацияланган ва тартибга солинган бўлиб, 2023 йил давомида, вилоят туман (шаҳар) ҳокимларидаги манфаатлар тўқнашуви ҳолатлари аниқланмади.

Ҳокимликлар фаолияти ва иш юритуви шаффофлигини таъминлаш, давлат ҳокимияти ва бошқарув органлари тизимида коррупция, бошқа ҳукуқбузарликларни содир этилишини олдини олиш мақсадида, “E-qaror” электрон тизими йўлга қўйилиб, бу чиқарилаётган қарорларни кенг жамоатчилик тўғридан тўғри кузатиб бориши имкониятини яратди.

Навоий вилояти ҳокимлигига коррупция ҳақида хабар беришга мўлжалланган бир қатор алоқа каналлари мавжуд бўлиб, жумладан фасебоок ижтимоий тармоғида www.facebook.com/groups/navoiyantikormurojaat/ алоқа канали, телеграм

мессенжерида <https://t.me/Navoiyantikormurojaat> алоқа канали, ҳокимликнинг расмий веб-сайтида www.хттп://navoi.uz алоқа канали, инстаграм саҳифасида <https://www.instagram.com/antikormurojaat/> алоқа канали ва youtube саҳифасида <https://www.youtube.com/@antikorrupsiyanova1524> каби алоқа каналлари мавжуд. Ушбу ташкил этилган алоқа каналларига вилоятда коррупцияга қарши курашиш борасида амалга оширилаётган ишлар, тадбирлар, коррупцияга қарши муросасиз муносабатни шакллантиришга қаратилган материаллар, тарғибот тадбирлари ва шу каби бошқа маълумотлар жойлаштириб борилмоқда.

Шунингдек вилоят ҳокимлигига коррупция ҳақида хабар беришга мўлжалланган назорат шўйбасининг 79-229-62-53, 78-770-31-11 ва қисқа 1066 рақамли “ИШОНЧ ТЕЛЕФОНИ” ташкил этилган.

Навоий вилоятининг 11 та туман (шаҳар) ҳокимлари биносининг кириш қисмига яъни фуқароларнинг кўриши учун қулай бўлган жойга 60x40 ўлчамли коррупцияга қарши ички назорат қилиш шўбаси ИШОНЧ ТЕЛЕФОНИни тарғиб қилишган мўлжалланган баннер жойлаштирилди.

Вилоятнинг коррупцияга қарши курашиш ва унинг олдини олиш борасидаги кўрсаткичлари таҳлилларга кўра, вилоят бўйича жорий йилнинг 11 ойида мансабдорлик ва коррупцияга оид ҳолатлар юзасидан 343 та жиноятлар қайд қилинди.

Бугунги кунга қадар, 183 нафар шахсга нисбатан 125 та жиноят ишлари бўйича дастлабки тергов ҳаракатлари олиб борилиб, айбдор шахсларнинг жавобгарлиги таъминланди.

Коррупцион ҳолатларнинг асосий қисми солик, қурилиш, банк кредитлари бериш, ер майдони ажратиш, халқ таълими, соғлиқни сақлаш ҳамда кадастр соҳаларида учрамоқда.

Коррупцион жиноятлар оқибатида жами 38 млрд. 253 млн. сўмлик заарлар аниқланиб, шундан тергов давомида 24 млрд. 240 млн. сўми ёки 64,0 фоизи ундирилиши таъминланган.

Жиноят содир қилган мансабдор ва бошқа шахсларнинг 169 нафари туман - шаҳар ва 14 нафари вилоят миқёсидаги корхона, ташкилот ва идораларда фаолият юритган.

Рўйхатга олинган коррупцион жиноятларнинг салмоқли қисми Навоий шаҳри (111 та 32%), Кармана (60 та 17,5 фоиз), Хатирчи (43 та 12,5 фоиз), Навбаҳор (27 та 8 фоиз), ҳиссасига тўғри келади.

Коррупцион жиноятларнинг 91 та ўзлаштириш йўли билан талон - торож қилиш, 69 та хизмат мавқеидан фойдаланган ҳолда фирибгарлик, 49 таси мансаб соҳтакорлиги, 14 та мансаб ваколатини суиистеъмол қилиш, 115 та пора бериш ва 3 та пора олиш, 2 та пора-олиш беришда воситачилик қилиш ва бошқа жиноятларини ташкил қиласи.

Мансабдорлик жиноятлар соҳалар кесимида таҳлил қилинганда салмоқмоқли қисми ижро ҳокимияти мансабдор шахслари томонидан 41 та жиноий ишлари бўйича

68 нафар шахслар (маҳаллий ҳокимият тизимида 2 та иш 4 нафар шахс, солиқ қўмитаси ва кадастрлар палатаси 2 тадан иш 4 тадан шахс, камбағалликни қисқартириш ва бандлик бошқармаси 3 та иш 5 нафар, қишлоқ ва сув хўжалиги тизимида 4 та иш 6 нафар, соғлиқни сақлаш 3 та иш 4 нафар, мактабгача ва мактаб таълими 4 иш 6 нафар, маданият ва туризим 3 та иш 5 нафар шахс ва бошқалар), давлат улуши бўлмаган хўжалик юритувчи субъектлар томонидан 41 та иш 55 нафар шахслар (кредит ва субсидия маблағларининг ишлатилиши, қурилиш, соликдан бўйин товлаш ва б.ш), тижорат банклари мансабдор шахслари томонидан 8 та иш 19 нафар шахслар, давлат улуши бўлган хўжалик юритувчи субъектлар мансабдор шахслари 7 та иш 8 нафар шахслар, 3 та иш ҳуқуқни муҳофаза қилувчи орган ходимлари, 19 нафар ишсизлар (фирибгарлик ва пора бериш) томонидан содир этилган ишлар тоифасига тўғри келади.

Энг кўп учраётган усул – ўзлаштириш йўли билан талон - торож қилиш жинояти таҳлил қилинганида, аксарияти мансабдор шахсларнинг ихтиёрида бўлган бюджет маблағларининг ўзлаштирилиши, имтиёзли кредитлар, ажратиш соҳаларига тўғри келмоқда.

Навоий вилояти ҳокимлиги коррупцияга қарши ички назорат қилиш шўйбаси томонидан ўтказилган тадбирлар натижаси Навоий шаҳар ҳокими ёрдамчиси Кахаров Умид Аминжонович Навоий шаҳрида яшовчи кам таъминланган фуқароларга “Саховат ва кўмак” жамғармаси ҳисобидан ажратилган маблағларни ўз шахсий манфаатини кўзлаб ўзлаштироқчи бўлганлигини ҳолати аниқланиб шаҳар ҳокимининг 2023 йил 19 апрелдаги 73-5-79-Q/23-сон Қарори билан меҳнат шартномаси бекор қилинди.

Шунингдек, жорий йилнинг 9 октябрь куни Навоий шаҳар ҳокимлиги ёшлар сиёсати, ижтимоий ривожлантириш ва маънавий маърифий ишлар бўлими етакчи мутахассиси Хўжамуродов Раҳмонберди Салимжон ўғли Навоий шаҳридаги мактаб ва мактабгача таълим ташкилотлари директорларидан пахта теримчиларига ош қилиб беришда ҳомийлик қилишини баҳона қилиб жами 4 млн. сўм пул маблағларини шахсий эҳтиёжи учун олганлиги ҳолати аниқланиб тўпланган материаллар қонуний чора кўриш учун шаҳар прокуратурасига юборилди.

Хатирчи тумани ҳокимлиги ёрдамчи ҳисобчиси Шомуродов Шухратжон Мовлонович туман ҳокимлиги балансида бўлмаган бинони ижарага бериш асосида аукцион савосига қўйганлиги, аслида бу бино туман халқ таълими балансида эканлиги ҳолати аниқланиб туман ҳокимининг 2023 йил 27 апрелдаги 67-5-77-F-23-сон Фармойиши билан ҳайфсан интизомий жазоси қўлланилди

Карман тумани “Катта мачит” МФЙ ҳоким ёрдамчиси Бурхонов Ахмаджон Баходирович ва Карман тумани “Жалойер” МФЙ ҳоким ёрдамчиси Ахмедов Фарход Ражжаббаевичлар тақиқланган бўлишига қарамасдан тадбиркорлик билан шуғилланганлик ҳолати аниқланиб туман ҳокимининг 2023 йил 13 июндаги 113-5-71-F-23-сон Фармойиши билан ҳайфсан интизомий жазоси қўлланилди.

Ички назорат қилиш шўйбаси томонидан вилоят туман (шаҳар) ҳокимликлари ҳодимлари хатти харакатлари юзасидан жами 120 нафар ҳодимлар профилактик тадбирлар олиб борилган. Шунга қарамасдан:

Хатирчи туман “Хўжақулобод” МФЙ ҳоким ёрдамчиси Джамилов Асрор фуқаро Тотлиев Шавкат Аширбоевич билан олдиндан ўзаро жиноий тил бириктириб, имтиёзли кредит маблағларини талон-торож қилиш мақсадида, Ўзбекистон Республикаси Президентининг 20.12.2021 йилдаги “Оилавий тадбиркорликни ривожлантириш ва аҳолининг даромад манбанин кенгайтиришга доир қўшимча чора тадбирлар тўғрисида”ги ПҚ-55-сонли Қарор талабларига зид равишда, фуқаролар Н.С.Жумаева ва бошқаларнинг номига уларнинг хабарисиз гўёки балиқ човоқлари ва асалари оиласи сотиб олганлиги тўғрисида сохта шартномалар тузиб, 2022 йилнинг августъ-ноябрь ойларида жами 197,9 млн. сўм кредит маблағлари ажратилишига эришиб, мазкур маблағларни ўзлаштириш йўли билан талон-торож қилиганликлари аниқланган.

Мазкур ҳолат юзасидан 23.05.2023 йилда “Хўжақулобод” МФЙ ҳоким ёрдамчиси А.Х.Джамилов нисбатан Ўзбекистон Республикаси ЖКнинг 167-моддаси 3-қисми “а” банди билан жиноят иши қўзғатилган.

Хатирчи тумани, “Самарқанд” МФЙ ҳоким ёрдамчиси Исматов Шоҳруҳ Алишерович фуқаро Бекназаров Шахзод Бекназар ўғли билан олдиндан жиноий тил бириктириб, фуқаро Д.Н.Қодировани алдаб, Ўзбекистон Республикаси Президентининг 31.01.2023 йилдаги “Оилавий тадбиркорликни ривожлантириш дастурлари доирасида аҳолининг бизнес ташаббусларини қўллаб-куватлашни янги босқичга олиб чиқишига доир қўшимча чора-тадбирлар тўғрисида”ги ПҚ-39-сонли Қарорига асосан унга 30 млн. сўм имтиёзли кредит маблағи ажратилиши учун тавсиянома ва далолатнома тузиб бериш эвазига 100 АҚШ доллари ва 900,0 минг сўм пул маблағларини талаб қилиб, талаб қилинган мазкур кимёвий ишлов берилган пулларни олган вақтида ашёвий далиллар билан ушланган.

Мазкур ҳолат юзасидан 26.05.2023 йилда Хатирчи туман “Самарқанд” МФЙ ҳоким ёрдамчиси Ш.А.Исматовга нисбатан Ўзбекистон Республикаси ЖКнинг 168-моддаси 3-қисми “в” банди жиноят иши қўзғатилган.

Вилоятдаги бюджет муассасаларда бюджет интизомига риоя этилиши ва бюджет маблағларнинг мақсадли фойдаланиши, иш ҳақи ва унга тенглаштирилган тўловларни тўғри ҳисобланиши, озиқ-овқат ва дори-дармон воситалари ва товар моддий бойликлар мақсадли сарфланиши, қурилиш соҳасида бажарилган қурилиш-таъмирлаш ишлари 10695.3 млн сўмлик, мақсадсиз харажатлар 2278.6 млн сўм ва Давлат ҳаридлари соҳасида 39076.4 млн сўм, жами **52050.3 млн сўмлик** молиявий хато камчиликлар аниқланиб, 52050.3 млн сўмлик материаллар ҳуқуқни муҳофаза қилиш органларига юборилган.

Молиявий назорат тадбирлари давомида 2023 йилда жами **14530.4 млн сўмлик** бюджет маблағларининг ноқонуний сарфланишини олди олиниши таъминланган.

I. Бюджет интизомига риоя этилиши ва бюджет маблағларнинг мақсадли фойдаланиши буйича ўтказилган назорат тадбирларида йирик миқдорда аниқланган ҳолатлар буйича.

Мисол учун:

-Ўзбекистон Республикаси Президентининг 2022 йил 1 мартағи ПҚ-144-сонли «Қишлоқ хўжалигида сувни тежайдиган технологияларни жорий этишни янада такомиллаштириш чора-тадбирлари тўғрисида”ги қарорига асосан 2022 йилда Кармана туманида қишлоқ хўжалиги маҳсулотлари ишлаб чиқарувчиларга сувни тежайдиган суғориш технологияларини жорий этиш бўйича харажатларнинг бир қисмини қоплаш учун ажратилган субсидияларни мақсадли сарфланиши бўйича Кармана туманидаги “SHAXRIYOR AGRO EKSPORT” МЧЖга 284,37 гектар майдонга 570.4 млн сўмлик бажарилмаган ишлар учун давлат бюджетидан ортиқча субсидия маблағлари ажратилганлиги, “SHAXRIYOR AGRO EKSPORT” МЧЖ томонидан 2021 йилда кенг қамровли ёмғирлатиб суғориш тизими жорий қилинганлиги учун жамиятга 2022 йилда давлат бюджетидан жами 1340,0 млн сўм миқдорида субсидия маблағлари ажратилган бўлиб, ушбу ёмғирлатиб суғориш тизими жорий қилинган контурларда сув тежовчи технологиялардан фойдаланилмасдан, жуяқ тортиб анъанавий усулда суғорилаётганлиги аниқланиб, назорат тадбири материаллари хуқуқни муҳофаза қилиш органларига юборилган.

-Навоий вилояти Соғлиқни сақлаш бошқармаси томонидан харид қилинган планшетлар Ўзбекистон Республикаси Адлия вазирлиги ҳузуридаги X.Сулаймонова номидаги Республика суд тиббий экспертиза маркази Навоий вилояти бўлими томонидан баҳолангандан бошқарма томонидан “ONLY UNEP PRODUCT” МЧЖдан 16.03.2021 йилда 24-сонли ҳисоб фактурага асосан харид қилинган 256 дона планшет ва “YOUTH EMPIRE” МЧЖдан 17.03.2021 йилда 4830718-сон ҳисоб фактурага асосан харид қилинган 256 дона планшетлар шартномада кўрсатилган техник параметрларга мос келмаганлиги сабабли жами 485.1 млн сўмлик бюджет маблағлари ортиқча сарфланганлиги аниқланиб, назорат тадбири материаллари хуқуқни муҳофаза қилиш юборилган.

-Навоий шаҳар Ободонлаштириш бошқармасида 2023 йилда "Суҳроб баҳор чирой гуллари" О/Кга 384.6 млн сўмлик дараҳт кўчатлари сотиб олиш учун маблағлар тўлиқ кўчирилган бўлсада, таъминотчи томонидан дараҳт кўчатлари етказиб берилмасдан ортиқча тўловга йўл қўйилганлиги, бундан ташқари экилган дараҳт кўчатлари саноғи давомида 23. 2 млн сўмлик дараҳт кўчатлари экилмасдан камомадга йўл қўйилганлиги аниқланиб, назорат тадбири материаллари хуқуқни муҳофаза қилиш органларига юборилган.

-Ўзбекистон Республикаси Бадиий академияси тизимидағи Навоий ихтисослаштирилган санъат мактабида Ўзбекистон Республикаси Вазирлар Маҳкамасининг 2019 йил 30 сентябрдаги 823-сонли қарори билан тасдиқланган Низом талабларига зид равишда 2019-2022 йилларда жами 9 нафар ўқитувчиларга 60.9 млн сўмлик устамалар асоссиз ҳисобланиб, шундан 7.9 млн сўм солиқ ва

мажбурий тўловлар чегириб қолиниб, 53.0 млн сўм тўланган, Низомнинг 29-бандига зид равища 8 нафар ўқитувчиларга 17.6 млн сўмлик моддий рағбатлантириш пуллари асосиз ҳисобланиб, шундан 2.3 млн сўм солиқ ва мажбурий тўловлар чегириб қолиниб, 15.3 млн сўм тўланганлиги аниқланиб, назорат тадбири материаллари ҳукуқни муҳофаза қилиш органларига юборилган.

-Конимех туман халқ таълими қарашли 2-сонли умумтаълим мактабида ўтказилган назорат тадбирида Ўзбекистон Республикаси Вазирлар Маҳкамасининг 2019 йил 30 сентябрда 823-сонли қарори билан тасдиқланган Низом талабларига зид равища 2021-2023 йилларида жами 41 нафар ўқитувчиларга 135.9 млн сўмлик устамалар асосиз ҳисобланиб, шундан 17.7 млн сўм солиқ ва мажбурий тўловлар чегириб қолиниб, 118.2 млн сўм тўланган, Низом талабларига зид равища 2021 йилда 2 нафар ходимга 4.2 млн сўмлик моддий ёрдам пуллари асосиз тўланган, хўжалик мудири Б.Шердуллаев жавобгарлигидаги товар моддий бойликлардан 4.4 млн сўмлик камомад мавжудлиги аниқланиб, назорат тадбири материаллари ҳукуқни муҳофаза қилиш органларига юборилган.

П.Ўзбекистон Республикаси “Давлат харидлари тўғрисида”ги қонун талабларига риоя этилиши буйича ўтказилган назорат тадбирлари буйича

Мисол учун:

-Қизилтепа тумани тиббиёт бирлашмасида ҳамда ООО “Aziza med” ўртасида 2022 йил 14 декабрдаги “Эндоурологический набор” тиббий жиҳозлар сотиб олиш учун 1195.0 млн сўмлик шартнома “Давлат харидлари тўғрисида”ги қонунининг 32,62 моддаси талабларига зид равища тузилган, яъни таклифлар баҳолаш учун буюртмачи томонидан мажбурий мезонлар киритилган бўлсада, товар етказиб берувчилар томонидан тақдим этилган таклифлар ушбу мезонларга мос келмасада буюртмачи томонидан баҳолангандаги аниқланиб, назорат тадбири материаллари ҳукуқни муҳофаза қилиш органларига юборилган.

Шунингдек Хатирчи тумани Ободонлаштириш бошқармасида 1782.2 млн сўмлик, Хатирчи тумани 11-сонли мактабда 1200.0 млн сўмлик, Конимех тиббиёт бирлашмасида 493.0 млн сўм, Навбаҳор тумани Саховат ва кўмак жамғармасида 2611.2 млн сўм, Томди тумани Саховат ва кўмак жамғармасида 1930.0 млн сўм, Навоий шаҳар Аёллар дафтари жамғармасида 1871.0 млн сўмлик шартномалар Давлат харидлари тўғрисидаги қонун талабларига риоя қилинмасдан тузилганлиги аниқланган.

III. Мақсадсиз харажатлар буйича

Ўзбекистон Республикаси Президентининг 17.05.2022 йилдаги ПФ-136-сонли “Тиббиёт муассасалари ходимларини моддий қўллаб-қувватлаш ҳамда рағбатлантиришни кучайтириш чора тадбирлари тўғрисида”ги Фармонида “Жамғарма маблағларининг 75 фоизи гуруҳидан қатъи назар барча давлат тиббиёт муассасалари ходимларини моддий рағбатлантиришга, 25 фоизи тиббиёт муассасасининг моддий-техника базасини мустаҳкамлаш, модернизация қилиш

ҳамда таъмирлашга йўналтирилади” деб белгилаб қўйилган бўлсада, ушбу фармон талабларига амал қиласдан 29 та бюджет муассасаси томонидан 2278,5 млн сўм маблағлар ходимларни моддий рағбатлантириш жамғармасига йўналтирилмасдан, муассасанинг моддий техника базасини ривожлантириш жамғармасига йўналтирилганлиги аниқланди ва материаллар ҳуқуқни муҳофаза қилувчи органларга юборилган.

Мисол учун: Конимех туман тиббиёт бирлашмасида 183,4 млн сўм, Қизилтепа тумани тиббиёт бирлашмасида 79,5 млн сўм, Томди туман тиббиёт бирлашмасида 207,4 млн сўм, Хатирчи туман тиббиёт бирлашмаси 290,9 млн сўмлик маблағлар ходимларни моддий рағбатлантириш жамғармасига йўналтирилмасдан, моддий техника базасини ривожлантириш жамғармасига йўналтирилган.

Вилоят ҳокимлигининг барча бошқарув ходимларининг функция ва вазифаларидағи коррупциявий хавф-хатарларни дастлабки баҳолаш ўтказилди.

Дастлабки баҳолаш жараёнида вилоят ҳокимлиги бошқарув аппарати барча ходимлари ва уларнинг қонунчилик ҳужжатларида белгилаб қўйилган жами 197 та функция ва вазифалари таҳлил қилиниб, коррупция хавф-хатари мавжудлиги баҳолаб чиқилди ва коррупциявий хавф-хатарлар бирлашган харитаси ишлаб чиқилди.

Шу билан биргаликда, коррупцияга энг кўп мойил бўлган лавозимларда ишлаётган бошқарув ходимлари учун Давлат хизматчилари онгига “Ҳалоллик вакцинаси”ни сингдириш, коррупциявий хавф-хатарлар: стратегик ечим ва муаммолар” ҳамда “Маҳаллий ижро ҳокимликларида сақланиб қолаётган коррупциявий хавф-хатарлар: контрагентларни текшириш” мавзуларида умумий ва маҳсус ўқитишлиар бевосита таъминланди.

Вилоят ҳокимлигининг хўжалик шартномаларига коррупцияга қарши қоидалари тўлиқ киритилган ва вилоят ҳокимлиги билан шартномавий муносабатларга киришувчи тадбиркорлик субъектлари ва ягона етказиб берувчилар (контрагентлар) томонидан коррупцияга қарши қоидаларни шартномаларга киритишни рад этиш ҳолатлари кузатилмади.

Вилоят ҳокимлиги тизимида контрагент томонидан коррупцияга қарши қоидалар бузилиши ҳолатлари содир этилмаганлиги сабабли шартномалар бекор қилинмаган.

Вилоят ҳокимлигига контрагентларни текшириш бўйича алоҳида реестр юритилган бўлиб, улар устидан текширувлар мунтазам равишда амалга ошириб келинмоқда.

Вилоят ҳокимлигига номзодларни текшириш бўйича алоҳида реестр юритилган бўлиб, Давлат хизматини ривожлантириш агентлиги вилоят филиали билан ҳамкорликда очиқ мустақил танлов эълон қилиниб, мазкур танлов реал вақт режимида ижтимоий тармоққа жойлаштириб келинмоқда.

Коррупциявий хавф-хатарларни аниқлаш ва баҳолаш хамда рейтинг баҳолаш йуналишлари ва индикатор кўрсаткичлари бўйича маълумот ва хужжатлар e-anticor.uz электрон платформа орқали киритиб борилмоқда.

Ушбу орқали Сизга вилоят ҳокимлигига коррупцияга қарши курашиш тизимининг амал қилиши юзасидан маълумот тақдим этилмоқда.

**Вилоят ҳокимининг
биринчи ўринбосари**



Т. Атамуродов